

Enformaziuns y Comunicaziuns

Mëssa Rock: En sabeda ai 22 d'aorí ales 20:00 él te nosta dlíja na mëssa rock, sön iniziativa dal Grup dai Jogn d'Al Plan y con la colaboraziun dai cors dai jogn dla valada. Na mëssa particolare, organisada y abelida dai jogn enstësc. Düc é enviës.

Curs: Curs de formaziun sön la fede "La löm dla vita", sö La Ila. Padre Giuseppe s'acompagnëia söle tru de nosta fede. L'encuntada mët man le vëndres ai 28 d'aorí dales 9 ales 12 y dales 14 ales 18, y vá ennant la sabeda ai 29 d'aorí dales 9 ales 12. Le curs vën slüt jö con la Mëssa. Enformaziuns y iscriziuns pa Ingrid al 331/8565697.

KVW Senioreclub: En dedemesaledema ai 19 d'aorí pëiun ia ales 9:20 dal Cone demez con le Mareo-Bus por jí a Bornech y enló ennant a pé cina ala "Lamprechtsburg". Sce al ess da ester bor' tomp, jarán le pröm de ch'al é bel. Al é saurí da jí.

ASC Mareo: Desco i agn passës, mët da jí le ASC Mareo seziun palê 10 apuntamonc de sport, divertimont y movimont por mitans y mituns dles prömes trëi elementares (nia por chi co sóga belo tla squadra U10). An mët man la jöbia ai 27 d'aorí y vá ennant por 10 iadi, cina ai 28 de ma, dagnora lönesc y jöbia dales 15:15 ales 16:30, ete dal ciamp dal sport. L'iscriziun vën fata le pröm iade. Da paié él 50,00€ a möt/a. Enformaziuns y domandes pa Marco Mutschlechner al 338/4274261.

Sorvisc ai Jogn/1: Chireste ciamó en laür por l'iste? Este enteressé da cuché ete tal monn dal laur? Aste dai 13 ai 19 agn? Ci aspeteste pa spo? Scriete ete al proiet JABA 2017! Les iscriziuns pó gní fates dai 15 ma ennant tal ofize dal Sorvisc ai Jogn ta Picolin (lönesc - jöbia dales 8.00-12.00 y dales 13.00-17.00) o tal Zënter dla Jonëza y dla cultura SaJ.un a La Ila (merc. 13.30-20.00, vën. 15.00-22.00 y sab. 17.00-23.00)

Sorvisc ai Jogn/2: Al vën lascé alessëi che l'ofize sará slüt dai 18 d'aorí ai 25 d'aorí.

Comun: Le Comun de Mareo lascia alessëi che en lönesc ai 24 d'aorí vëgnel cou adöm le ciomont da tosser: tló Al Plan dales 11:00 ales 12:00, dan ciasa de Comun.

Manifestaziun: La Uniun di Ladins dla Val Badia, en colaboraziun con l'Istitut Ladin, enviëia ala Matinée Culturala en Lönesc de Pasca ai 17 d'aorí ta San Martin, sön plaza dal Istitut y te self. An mët man ales 10:30 con la prejentaziun dal liber "Cianties de dlíja y rimes incëria - 200 composiziuns religiozes y profanes" de Tone Gasser. Dedô buffet con liagnes blanches, musiga con "Nik Lee and the Marcos", spo vëgnel peché con üs con dic ladins y lapró él en picio marcé de libri. Düc é bel enviës.



La comunité d'Al Plan ti aoda döt le bun, sanité y benedisciun ai geniturs
Fabian Agreiter y Sandra Ploner por le Bato de picia **JANA**.



Plata dla Ploania Al Plan de Mareo San Vighile

Ploian: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



www.unitepastorala.org

Ann A

16.04.2017 - GRAN SOLENITÉ DE PASCA

nr. 21

I á odü le Signur!

Dal Vagnele do San Jan, 20, 1-18

¹¹Maria deperpo stea fora dan fossa y bradlá. Dertan ch'ara bradlá, s'ára cüfé jö y ete tal sepolcher. ¹²Danló ára odü dui agni dal guant blanch sontës, önn olach'al ea sté le ce y l'ater olach'al ea sté i pïsc dal corp de Gejú. ¹³I agni ti á dit a d'ëra: Èra, ciodi bradleste pa? Ara ti á rospognü: An á tut demez mio Signur, y iu ne sá nia olach'an l'á motü. ¹⁴Canch'ara â albü dit cösc, s'ára ôt y á odü Gejú stenn enló, mo ara ne sá nia ch'al ea Gejú. ¹⁵Gejú ti á dit: Èra, ciodi bradleste pa? Che chireste pa? Ara minâ ch'al foss le patrún dal urt y ti á dit: Signur, sce tö l'as porté demez, dimal, olache te l'as motü. Spo ôi jí a le do. ¹⁶Gejú ti á dit: Maria! Danló s'ára ôt pormez a d'ël y á dit por ebraich: Rabbùni, co ô dí: Maester. ¹⁷Gejú ti á dit: No mo tigní chit; deach'i ne sun nia ciamó jü sö dal Pere. Mo vá da mi fredesc y diti: lu vá da mio Pere y da osc Pere, da mio Dio y da osc Dio. ¹⁸Maria da Màgdala é júda a ti anunzié ai discepui: "I á odü le Signur", y ch'al ti á dit a d'ëra cösc y chël.

Parora dal Signur. - Lalt a te, Gejú Crist!



Der Stein beim Grab war nicht deshalb weg, damit Jesus raus konnte, sondern damit die Jünger hineinblicken konnten. Es musste ein Zeichen gesetzt werden.

Heinz Bossi

Vijita pastoralala dal Vësko tla Val Badia

Tai mënc d'otober y novëmber 2017 sarál le Vësko Ivo Muser co fej na vijita pastoralala tla Val Badia. **La sabeda ai 13 de ma**, dales 8:30 ales 12:30 sarál ta San Martin (Istitut Ladin), na gran encuntada de preparaziun a nivel de valada, daverta a düc. Le **vëndres ai 6 d'otober** ales 20:00 él spo tla Ciasa J. B. Runcher sön Badia na gran encuntada con le Vësko, la **sabeda ai 7 d'otober** encunta le Vësko Consëis, colaboradus, uniuns y e.e. Te vigne ploania dla valada sarál lapró na mëssa con le Vësko. Tló Al Plan éra preodüda tal fin dal'edema **dai 14 y 15 d'otober.** (Signor Degan)

Domègna: 16.04.2017: Solenité dla Ressorenziun: PASCA

N.B.: **6.30:** **Messadora con Benedisciun dal Signè**
S.M. por +nta Clara Maria
S.M. por +nc' Flatscher Franz y Lena, Ches Costes
S.M. por +nt Alfredo Amadei
S.M. por +nt Lois Valentin, Valiares
8.30: *S.M. a La Pli*
9.00: **Proa dal Cor de Dlijia**
10.00: **S.M. de renger. por dōta la Ploania - Comunité Benedisciun dal Signè**
18.00: S.M. aniv. por +nta Edelgard Ties - Steck
S.M. por +nc' Tino Erardi y Flöss Stasi
S.M. aniv. por +nta Alberti Laura



Lön. 17.04: Lönesc de Pasca: Otava de Pasca

9.30: **Corona por +nta Olga Marches – Niedermayr**
10.00: **2. Requiem por +nta Olga Marches**
S.M. en onú dal Spirit Sant
S.M. por +nta Rosa Mutschlechner dal Pech
S.M. por +nc' dles Fam. Prousch y Perathoner
S.M. aniv. por +nta Nese Trebo dal Pèsta
S.M. por les Püres Animes

Dédol. 18.04: Dédolönesc tal Edema de Pasca: Sa.Ava, Sa.Herluka

7.30: *S.M. a La Pli*
19.30: **Corona por la Pesc**

Dédem. 19.04: Dedem. dal Edema de Pasca: S.Leo, S.Gerold, S.Werner

18.00: S.M. aniv. por +nta Zingerle Kehrer Maria
S.M. por vís y +nc' de Federa Marta
S.M. por +nc' Taibon Lois y Mena

Jöbia 20.04: Jöbia tla otava de Pasca: S.Wilhelm, Sa.Odette
Vijita y oraziun personala te dlijia y cortina

19.30: *S.M. a La Pli*

Vëndr. 21.04: Vëndres tla otava de Pasca: S.Anselm, S.Konrad

7.10: **S.M. por i scolari**
S.M. por +nta Maddalena Palfrader
S.M. por +nc' Erlacher Peter y fredesc de Corcela
S.M. en onú de Sa. Elisabetta y en renger.
dla vita por Lies Comploi de Mano

15.00: **Ora de Oraziun**

Sab. 22.04: Sabeda tla otava de Pasca: S.Kajus, S.Wolfhelm

7.30: *S.M. a La Pli*

N.B.: **20.00: S.M. ciantada y sonada da grups dla Val Badia**

Rock Messe: S.M. con musiga ritmica
S.M. por +nc' Lois y Nina Oberbacher dal Lehrer
S.M. por +nta Alessandri Cinzia
S.M. por +nt Bratti Enrico
S.M. aniv. por +nta Maria Manesch Tamers
S.M. por +nc' Angelo y Marianna Call de losc

Dom. 23.04: Dominica in Albis – Domègna Biancia

Oferta por i bojügns dla Ploania
8.30: *S.M. a La Pli*
9.30: **Funziun dla dom.: tomp de Pasca**

10.00: **S.M. pro popolo por dōta la Ploania – Vidi Aquam**
14.00: **Funziun dal Bato: Jana Agreiter**
18.00: S.M. por +nc' Canzio, Tille y Rita Comploi, de Mano
S.M. por Fam. Erardi Oswald y Cristina
S.M. por +ntes Angela y Maria Prousch
S.M. por vís y +nc' de na Familia



Cari mituns,

Pasca é la festa plö emportanta dai cristians. Da Pasca festejunse, che Gejú do sōa mort é ressorí a vita nea. Do che Gejú ea mort sōla crusc le Vëndres Sanc, édl gnü sopelí te na caverna. Na pera posocia stopâ pro l'entrada. Dui dis dedo édl sozedü val' de straordinar. Les ères, che â condüt Gejú ala fossa, á ciafé le sepolcher ôt; la gran pera ea rolenada demez. En agno ti é comparí ales ères y ti á encündé: Gejú é ressorí.

("Sonntagsblatt")

VIRE LA RESSOREZIUN

Sontí ...

speranza nea vëgn sō tal lominus dla Doman de Pasca forzes nees de vita crësc olache an les minâ belo mortes

Reconèsce ...

la pera é sbörlada demez le posoch ne mantign nia la potesté desperaziun y plüra n'á nia l'ultima parora

Crëie ...

ressoreziun po ester perspectives nees se daür sō olache nos modún le punt d'odüda por sorví la vita

S'anfidé ...

confidé tla forza co nes trasformëia proé con coraji da cambié loé sō cuntra döt ci co impedësc vita donté testimoni dla ressorenziun.
(Hannelore Bares)



Gottes schöpferische Barmherzigkeit kann das Leben wecken, wo uns alles tot erscheint.

Friedrich von Bodelschwingh



Credo:

Am dritten Tage auferstanden von den Toten

Die Auferstehung ist und bleibt ein Geheimnis, unserem Verstehen verschlossen.

Geheimnisse darf man nicht anstarren; man trägt sie mit in seinem Leben.

Dann öffnen sie sich manchmal von innen, und geben uns Hoffnung auf mehr als diese Welt.

Michael Becker

Sorvisc dai Ministronc

Lönesc de Pasca 17/04 (10:00h): Sofia Alberti, Lara Fappani, Lisa Maneschg, Caroline Piazza, Isabel y Sandra Ties, Caspar y Moriz Videsott;

Lönesc de Pasca 17/04 (18:00h): Serena Alessandri, André Castlunger, Linda y Max Clara, Philip Palfrader, Sofia Willeit;

Dédemesaledema 19/04 (18:00h), Vëndres 21/04 (07:10h): Sofia Castlunger, Emma Daverda;

Sabeda 22/04 (18:00h): Giada y Ginevra Regis, Stefan y Thomas Palfrader;

Domègna 23/04 (10:00h): Maria y Matteo Huber, Marlene Palfrader, Jan, Jasmin y Martina Ties;

Domègna 23/04 (18:00h): Mattia Leggio, Jan Paul Promberger, Gabriel, Paul, Max y Moriz Trebo;

